

Na osnovu člana 90. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14), te člana 8. Pravilnika o postupku direktnog sporazuma broj 01-02-2-2236-4/14 od 14.11.2014. godine („Službeni glasnik BiH“, broj 90/14), ministar Ministarstva za boračka pitanja Kantona Sarajevo d o n o s i:

PRAVILNIK O DIREKTNOM SPORAZUMU

Član 1. (Predmet Pravilnika)

Ovim pravilnikom se definiše postupak javne nabavke roba, usluga i radova (pokretanje postupka, priprema ponude, rokovi i način dostavljanja ponude od strane ponuđača, potpisivanje ugovora i vođenje evidencije o zaključenim ugovorima) putem direktnog sporazuma iz člana 90. Zakona o javnim nabavkama BiH („Službeni glasnik BiH“, broj 39/14) (u daljnjem tekstu: Zakon).

Član 2. (Uslovi za primjenu direktnog sporazuma)

- (1) Postupak direktnog sporazuma se provodi kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.
- (2) Ministarstvo može u toku jedne godine za isti predmet nabavke potrošiti do 6.000,00 KM putem direktnog sporazuma.
- (3) Ministarstvo pokreće postupak direktnog sporazuma na osnovu plana nabavke ili donošenjem odluke o pokretanju direktnog sporazuma u skladu sa članom 17. Stav (1) Zakona.

Član 3. (Principi dodjele direktnog sporazuma)

Ministarstvo ne može provesti postupak direktnog sporazuma sa namjerom da diskriminira ili favorizuje bilo kojeg dobavljača.

Postupak direktnog sporazuma se provodi na način da osigura poštovanje općih principa iz člana 3. Zakona.

Član 4. (Početak postupka)

- (1) Procjenjivanje vrijednosti nabavki putem direktnog sporazuma vrši se u skladu sa članom 15. Zakona.
- (2) Procijenjena vrijednost nabavki može se bazirati na cijenama: prethodnih sličnih nabavki, iz dobavljačevog kataloga, iz istraživanja tržišta koje je prethodno urađeno ili je urađeno u vrijeme konkretne nabavke putem direktnog sporazuma.
- (3) Procijenjena vrijednost nabavke mora biti važeća u trenutku kada Ministarstvo zatraži ponudu od jednog ili više ponuđača.

- (4) Postupak direktnog sporazuma započinje donošenjem odluke koja sadrži sve elemente iz člana 18. Stav (1) Zakona.

Član 5. **(Način dostavljanja ponuda)**

- (1) Ministarstvo traži pismenu ponudu od jednog ili više ponuđača koji obavljaju djelatnost koja je predmet nabavke.
- (2) Kada traži ponudu, Ministarstvo može ponuđačima odrediti obavezne elemente i rok za pripremu ponude, a u zavisnosti od kompleksnosti nabavke.
- (3) U specifičnim nabavkama Ministarstvo može kao ponudu tretirati javni poziv za pohađanje seminara i slično, odnosno samoinicijativni poziv sa narudžbenicom upućen od strane ponuđača.
- (4) Izuzetno u slučajevima kada je vrijednost nabavke manja ili jednaka 1.000,00 KM ponuda se može tražiti usmenim putem, odnosno i dostavljena faktura se može smatrati dostavljenom i prihvaćenom ponudom.

Član 6. **(Postupak donošenja odluke o izboru ponuđača)**

- (1) Nakon prijema ponude jednog ili više ponuđača, a prije donošenja odluke o direktnom sporazumu, Ministarstvo :
 - Pregovara sa ponuđačem/ponuđačima o cijeni i/ili
 - Prihvata ponudu jednog ponuđača i/ili
 - Provođi drugu vrstu postupka definisanu Zakonom.
- (2) Ministarstvo razmatra ponude na osnovu kojih će biti dodijeljen ugovor, uzimajući u obzir faktore kao što su cijena, količina, kvalitet, tehnički opis, estetski i funkcionalni zahtjevi, mjesto i rok za isporuku, hitnost nabavke, ekskluzivnost ponuđača ili predmeta nabavke i slično, a primjereno predmetu nabavke.

Član 7. **(Zaključivanje direktnog sporazuma)**

Direktni sporazum smatra se zaključenim:

- (1) Kod nabavki čija vrijednost iznosi do 1.000,00 KM, direktni sporazum se smatra zaključenim uz prilaganje računa, ili drugom odgovarajućom dokumentacijom.
- (2) Kod nabavki čija vrijednost je viša od 1.000,00 KM, Ministarstvo je dužno zaključiti ugovor.
- (3) Po opredjeljenju na zaključivanje ugovora, Ministarstvo poziva izabranog dobavljača da potpiše ugovor o nabavci roba, vršenju usluga ili ustupanju radova.
- (4) Sve troškove vezane za potpis ugovora snosi dobavljač.

Član 8. **(Vođenje evidencije)**

Ministarstvo je dužno da vodi posebnu evidenciju o svim postupcima javnih nabavki roba, vršenja usluga i ustupanja radova putem direktnih sporazuma kao i evidenciju o zaključenim ugovorima.

Član 9.
(Stupanje na snagu)

Ovaj Pravilnik stupa na snagu danom donošenja.

Stupanjem na snagu ovog pravilnika stavlja se van snage Pravilnik o direktnom sporazumu broj: 06-02-6701/10 od 31.03.2010. godine.

Broj: 06-02-31279/14
Sarajevo, 29.12.2014.godine



MINISTAR

mr. Faid Mećo